

دینی ، علمی ، ادبی واجتماعی

سنه

ه

مخفل

۱۳۳۸

جلد

ه

مجموعۃ اسلامیت

شیمدیلک عربی آیلری ابتداسنده نشر اولونور .

صارف ، مدیری ، محرری :

ربیع الاول

۱۳۴۳



جزء

۵۳

شرائط تحریر: اسلامک نفعنه خادم یازیلر مع التشر قبول ونشر اولونور . یازانک شخصی دکل ، یازینک ماهیتی نظردقته آلینیر . کوندهریله جک آثار او قوناقلی ومختصرجه یازیلش اولمالیدر . کلن یازیلردن شایان قبول کورولنلر تاریخ صیراسیله درج ایدیلیر .

شرائط اشترای: هر سنه نك برنجی وایکنجی آلتی آیلغندن اعتباراً آبونه قید اولونور . سنه لکی پوسته اجرتیله برابر : ۱۰۰ ، آلتی آیلغی : ۵۰ غروشدر . ممالک اجنییه ایچین ۲۰ و ۱۰ غروش علاوه سی لازمدر .

مخفل

۱۳۳۸

مجموعه سنك چكن سنه لره عائد وپك چوق معلومات مفیده یی جاوی اولان نسخهلری منتظماً دیکیلمش واوزه دلرینه قالین بررقایاق کچیرلهرک مجلد کتاب حالته کتیریلشدر . خیرالانیس اولاییله جک بونفیس کتابلردن برنجینسك موجودی یتمش ، ۷-۱۲ نجی نسخهلری پراکنده اولارق قالشدر . بهر نسخه سی ۱۰ غروشدر . ۲۰۳ و ۴۰۲ نجی جلدلرک بدلی ده پوسته اجرتیله برابر یوزر غروشدر . طوغرودن طوغرویه اداره خانه یه ۲۰۰ غروش کوندهریلدیکی صورتده هراوج جلدی یوللانیر .

نسخه سی ♦ ۱ غروشدر .

ایمانه دعوت ایدیلدیکی صیراده مصر حکمداری
(مقوقس) ده ده برنامه هایون تسطیر و (حاطب
بن ابی بلتعہ) وداعیله تسیر بویورولشدی .

مقوقس ، دعوت پیغمبری به اجابت ایتمه مکله
برابر سفیر نبوی به حرمت لازمه کوسترمش
وتعظیمکارانه بر جواب ایله بعض هدایا تقدیم ایله مشدی .

هدایای مرسله میاننده (ماریه) نامنده بر جاریه
واردی که علیه الصلاة افندیمرک اوطه لعی و (ابراهم

بن النبی) حضرت تلرینک والده لکی شرفی الحراز
ایتمشدی . ایشته بو محترم قادیندن سکزنجی سنه

هجریه ذی الحجه سنده رسول اکرمک بر فرزند
نجیبی تولد ایله مش ، پک زیاده محظوظ اولان ذات

اقدس نبوی طرفندن (ابراهم) تسمیه ایدیلشدر .

عمه پیغمبری (صفیه بنت عبدالمطلب) ک آزادلی
جاریه سی (سلمی) ابله ک خدمتنده بولونمش و سلمانک

زوجی - رسول اللهک آزادلیرندن - (ابو رافع)

ماریه نک بر ارکک چوجوق تولد ایله دیکنی تبشیر
ایدیجیه کنديسنه طرف رسالتدن بر کوله احسان

بویورولشدی . (براء بن اوس الانصاری) نک

زوجه سی (ام بردة خولة بنت منذر بن زيد) ک

آغوش ارضاعنه تودیع ایدیلن و (بنی مازن)

یوردنده بولونوب رسول الله افندیمر طرفندن زیارت

وتقیل اولونان حضرت ابراهیم ، ۱ سنه ۱۰ آی ،

۶ کون ، یاخود ۱۸ آی یا شامش ، هجرتک اوتجی

سنه سی ایچنده عالم بقایه انتقال ایله مشدی .

علیه الصلاة افندیمر ، نجل نجیبینک حین احتضارنده

یانه کیرمش ، اونی والده سنک قوجاغندن کندی

آغوشنه آلوب مبارک کوزلرندن یاشلر دو کولدیکی

حاله «یا ابراهیم ! سنک ایچین حقیقه محزونر .

کوز آغلار ، قلب حزن باغلار . فقط جناب حق

غضبه کتیره جک بر شی دیمیز . الله بنی بویله بر

مصیبت وقوعنده باغیروب چاغیرمقدن نهی ایتمشدر»

وقلوب مؤمنینی او سم هلاهل ایله تسمیم ایچون
مذهب مزبوری اصل ، کلام اللهی اوکا تابع قیله رق
بر طاقیم وجوه ضعیفه ایله آیات قرآنیه یی اومذهب
فاسده یا ناشدیر مق امل خائنه سیله یاییلان
تفسیردر .

ایکنجی صورت : تفسیر بالدرایه ایچون
مشروط اولان علومی تحصیل ایتمکسزین یاییلان
تفسیردر .

اوچنجی صورت : علمنی الله حواله وتقویض
لازم اولان متشابهاتی کوکسی گره گره تفسیردر .

دردنجی صورت : نزدنده بر دلیل قائم
اولقسزین شو آیتدن مراد الله بودر دییه کسوب

آتمقدر .

بشنجی صورت : کندی کیف وهواسی وذوق
مشتهاسی خصوصنه آیتک توافقی تأمین ایچون بر

طرز لاابالیانده خودسرانه تفسیر کلام الله جرأت

جاهلاننده بولونمق صورتیله یاییلان تفسیردر .

ایشته حدیثک تهدیدی بوکی تفسیر اربانه

مخصوصدر که الحق کلام الله ایله تلاعبدن باشقه برشی

اولمایان شو فعل جنایتکارانه نک جزاسی آتشدن

باشقه برشی اولماق لازم کلیر . ناصیل که دیگر بر

حدیثده (من قال فی القرآن بغیر علم فلیتبوأ مقعده

فی النار) اشبو جزاء تعیین بویورولشدر . بوکی

تفسیرلرک بعض نمونه لری ان شاء الله کله جک نسخه یه

درج ایده جکر .

الهیات فاکولته سی تفسیر و تاریخ تفسیر مدرسی

بر غمملی هجرت

صلات کسوف

کچن نسخه دن مابعد -

وفات ابراهیم بن النبی علیه السلام :
ملوک وامرایه مکتوب کونده ریلهرک کندیلری

مأئنه اولمق اوزره (انا بك يا ابراهيم لحزونون تبكى العين ويحزن القلب ولا نقول ما يخطئ الرب ونهاني عن الصياح) بويورمش، (ماريه) و همشيرسي (سيرين) ك صياحني منع ايتديكي كبي آواز بلند اظهار ايلهين (اسامة بن زيد) ي صوصدورمش « يا رسول الله سني آغلار كورددمه اونك ايچين هايقيرييورم » دين مشاراليه آغلامانك مر حمتدن ، صراخك ، يعني باغيروب چاغيرمانك ، تعبير مخصوصيله يولونمانك اغواي شيطانندن ايلري كلديكني خبر ويرمشدي .

جناب ابراهيمي (فضل بن عباس) غسل ايتمش ، نعلش مباركي سريز اوستنده كوتورولوب رسول اكرمك امامتيله نمازي قيلينمش ، بعده (بقيق) ده مدفون (عثمان بن مظعون) ك قبرى ياننه دفن اولونمش ، طوپراغنك اوستنه صو دو كولوب مزارينك اوزرهينه بر علامت قونولمش ، رسول اكرم حضرتلري ، قبرك ياننده طوروب « يابني ان القلب يحزن والعين تدمع ولا نقول ما يخطئ الرب انا لله وانا اليه راجعون . يابني قل الله ربي والاسلام ديني ورسول الله ابي » ديه - روايت ضعيفه كوره - تلقين اجرا ايله مشدي .

بوني ايشيدوب آغلاشان اصحاب آراسنده حضرت عمر ك صوت بكاسي يوكسهلمش و سببي صورولونجه « يا رسول الله ! شو ، سنك اوغلك هنوز بلوغه وارمامش و دها مكلف بولونماشكن سنك كبي بر ذاتك تلقين توحيدينه محتاج اولورسه عمر ك حالي نيجه اولاجقدر » ديمش ، شو افاده نك خزن و بكاي عمومى يي آرتيرماسي طولاييسيله ده آيت آتیه نازل اولمشدي :

(يثبت الله الذين آمنوا بالقول الثابت في الحياة الدنيا وفي الآخرة ويضلل الله الظالمين) و يفعل الله ما يشاء)

الله ورسوله اعلم مالى :

« جناب حق ، مؤمنلري - كنديلرنجه مثبت اولان - قول توحيد اوزرهينه دنيا و آخرته ثابت قيلار و ظالملري طريق هدايتدن اوزاقده بولوندوروركه الله ديله ديكني ياپار » (داها وار)

طاهر المولوي

عشرت و عبرت

شوسرلوحه يي تشكيل ايدن ايكي لفظدن ايلكي ، آمر يقا ميسيونر جمعيتي طرفندن نشر ايديلن بر رساله نك اسميدر .

بو رساله ، ١٩٢٣ سنه سي استانبولده و آ . ماطوسيان مطبعه سنده باصديريش . مسكراتك اجتماعي ، اقتصادي ، صحي ، اخلاقي و ديني مضراتدن بحث ايدنيور . اون آلتى صحيفه يه صيقيشديريلان مندرجاتي ايچنده بز ، مسلمانلر ايچين عبرت آلاچق ايجه سوز وار .

از جمله شو سوزلر سويله نيور :

« اي عزيز قارئلر ! عشرت يالكز مبتلاسنه دكل ، اونك نسلته دخي تاثير ايدر ... چو چوقلر طوغوشلرندن بدلا و سرسم كي اولور ، حتى بو ، بعضاً اولنري جنته قدر سوروكلر .. مكتب خواجه لر نه كيت و سرخوش چو چوقلر نه دائر اولردن معلومات ايسته . اولنرك سنه لردن بري والي النهايه كوره جي بو نقطه لر ، سني بنم تجربه مدن داها بويوك دليللر ايله اقناع اينده بيلير »

« عمومى حرك ايلك سنه سنده يومى غزته لرده روس حكومتنك روسياده مسكراتي تماماً منع ايتديكي كورولدى .. بويوك حرب باشلا ديني زمان دولتلر ، ظفرك عسكرلرك قوت و جلادتنه متوقف اولديني و عسكرلرك دومانلاشم ققالر ايله هيچ بر زمان مظفر اولامايه جقلرني درك ايتدكلري ايچون مسكراتي منع ايتكي دوشونديلر ... »

« عشرته مبتلا اولانلرك اكثريسي ، بالخاصه جاهل و فقير طبقه بلكه صحي ضرريني بيلمزلر . فقط مصرفلرينك تعداديني ده مي بيلمزلر ؟ .. اكر هر كون ايكي غروشلق ايچكي ايچكم اعتيادنده ايسه كز برسنده آلتون پاره اولارقي ٧٣٠ غروش ايدر و بومبلغ ، براولچو بوغداي ،